



Білім алушының аралық бақылау үлгерімі мен рейтингісін қоюды жүргізу регламенті

1. Аралық бақылау (P1 және P2) - білім алушылардың оқу жетістіктерін бақылау академиялық күнтізбеге сәйкес жүргізіледі. Аралық бақылауды дәріс беруші тестілеу, коллоквиум немесе бақылау жұмысы түрінде жүргізеді, берілген жұмыстың нәтижесін 100 балдық меже бойынша бағалайды және аралық бақылаудың бағасын академиялық күнтізбеде көрсетілген уақытта Портал жүйесіне енгізеді. Аралық бақылау Порталда тестілеу түрінде жүргізілген жағдайда баға автоматты түрде ведомоске қойылады.

2. Әрбір оқу сабағы мен семестр ішінде болатын СОӨЖ бойынша студенттердің үлгеріміне ағымдық бақылау жүргізіледі. Қойылған баға міндетті түрде оқытушылардың электронды және қағаз журналдарында тіркеледі.

Егер студент сабаққа қатыспаған болса, оған міндетті түрде электронды және қағаз журналдарға «жоқ» деп қойылады. Бақылаудың барлық түрлері- ЕГЖ, зертханалық жұмыс, курстық жұмыс міндетті түрде есепке алынады, тек жұмысы есептелмеген жағдайда «0» қойылады. Ағымдағы бақылаулардың орташа бағасы (Орт.) , аралық бақылауды ескерусіз, нөлдік мәндерді ескере отырып, барлық қойылған ағымдағы бағалардың арифметикалық ортасы ретінде есептеледі.

Ағымдағы бақылаулардың орташа бағасы Ақпараттық жүйемен жұма күні 18.00-де 15-аптада 100% ең жоғары есеппен түпкілікті есептеледі және одан әрі өзгертілуі мүмкін емес.

Емтиханға жіберу рейтингісінің бағасы (Рейтинг) ағымдық бақылаудағы баға мен аралық бақылау бағасының қатынасы бойынша қалыптасады. Емтиханға жіберу рейтингісі келесі формула бойынша есептеледі:

$$\text{Рейтинг} = \frac{P1 + P2}{2} * 0,2 + C_p * 0,8$$

Мұндағы: P1 - бірінші аралық бақылаудың бағасы (тестілеу, коллоквиум немесе бақылау жұмысы).

P2 - екінші аралық бақылаудың бағасы (тестілеу, коллоквиум немесе бақылау жұмысы).

Орт. - ағымдағы бақылаудың орташа бағасы (баға барлық қойылған ағымдағы бағалардың арифметикалық ортасы ретінде есептеледі).

**Студент емтихан тапсыруға келесі жағдайларда жіберілмейді:
Рейтинг < 50% болса**

Пән бойынша қорытынды баға келесі формуламен есептеледі:

$$\text{Қорытынды баға} = \text{Рейтинг} * 0,6 + Э * 0,4$$

Мұндағы: Рейтинг – пән бойынша жіберілу рейтингісі

Э – емтиханнан алған бағасы.

3. «FX» белгісіне сәйкес, емтиханнан «қанағаттанарлықсыз» баға алған жағдайда, білім алушының бағдарламадағы оқу пәнін қайталамай, емтиханды қайталап тапсыруға мүмкіндігі

бар. «FX» белгісіне сәйкес келетін емтихан бағасын (25% - дан 49% - ға дейін) қайта тапсыруға емтихан сессиясы аяқталғаннан кейінгі бірінші апта ішінде жол беріледі.

Егер білім алушы «қанағаттанарлықсыз» бағаны қайтадан алса (бұл жағдайда «FX» немесе «F» бағасына қарамастан), онда ол осы пәнге қайта жазылуы, оның барлық бағдарламасынан өтуі, барлық тапсырмаларды орындауы, белгіленген тәртіппен қорытынды бақылауға рұқсат алуы, қорытынды бақылауды (емтиханды) тапсыруы тиіс. Оқу пәніне қайта жазылу тек ақылы негізде жүзеге асырылады. Дәлелді себепсіз қайта тапсыруға келмеген жағдайда емтихан ведомосына «келген жоқ» қойылады, бұл F бағасының баламасы болып табылады.

4. Білім алушылар емтихан бағаларын апелляцияға бере алады. Студент ақпараттық жүйеде баға қойғаннан кейін 24 сағат ішінде апелляцияға өтініш бере алады. Көрсетілген мерзімнен кейін немесе апелляцияның нақты себебі көрсетілмей келіп түскен өтініштер қаралмайды.


ҚР БҒМ 30.10.2018 ж. № 595 бұйрығы бойынша білімді бағалаудың балдық-рейтингтік жүйесі бекітілді:

Дәстүрлі бағалар межесіне аударылған білім алушылардың оқу жетістіктерін бағалаудың балдық-рейтингтік әріптік жүйесі

Әріптік жүйе бойынша бағалар	Сандық эквиваленті	Балдар (%-тік құрамы)	Дәстүрлі жүйе бойынша бағалар
A	4,0	95-100	Өте жақсы
A-	3,67	90-94	
B+	3,33	85-89	Жақсы
B	3,0	80-84	
B-	2,67	75-79	
C+	2,33	70-74	Қанағаттанарлық
C	2,0	65-69	
C-	1,67	60-64	
D+	1,33	55-59	
D-	1,0	50-54	
FX	0,5	25-49	Қанағаттанарлықсыз
F	0	0-24	

Өзірлеген:

Тіркеу офисінің бастығы



В.В. Неледва